

BI ZAKURRAK

Bat ari zala bide
baten bazterrean,
ogi puska, norbaitek
boteak jan ta jan,
besteak joan ta zizkan
eskatu erdiyak,
esanaz: ayek bear
zituztela biyak;
bañan lengoak nairik
beretzat guziyak
esan zion, (gezurrez),
bere nagusiyak
eman ziozkala ta
ala guziyak an,
berak bakarrik bear
baitzitubela jan.
Artaz aserraturik
joan zana eskera,
eta indarsubena

izanikan bera,
ozkazo batez kendu
zion belarriya,
eta artaz sarturik
izuzko larriya,
belarriya ta ogi
puskak utzirikan,
zan belarri batekin
arranzaz andik joan.

Onek erakusten du
gogorragoakin,
kontu andiz ibiltu
bear dala jakin;
opatzen ezpadiyo
zerbait dubenetik,
ark kendu liokela
gaildorra gañetik.

RAMON ARTOLA.